

UGOVOR

o nabavci računara i računarske opreme za projekat "Elektronski dnevnik" u javnim srednjim školama i za potrebe Ministarstva za obrazovanje, nauku i mlade Kantona Sarajevo

Zaključen dana 14.01.2020. godine između:

I - UGOVORNE STRANE :

KANTON SARAJEVO

MINISTARSTVO ZA OBRAZOVANJE, NAUKU I MLADE KANTONA SARAJEVO

sa sjedištem u Sarajevu, ul. Reisa Džemaludina Čauševića br. 1, ID broj: 4200666870003, kojeg zastupa mr. Zineta Bogunić, ministrica (u daljem tekstu: **Naručilac**)

i

R&S d.o.o. Sarajevo, sa sjedištem u Vogošći, ul. Igmanska bb, PDV broj: 200056290005, kojeg zastupa Kemal Selmanagić, direktor (u daljem tekstu: **Dobavljač**)

II - PREDMET UGOVORA:

Predmet Ugovora je nabavka računara i računarske opreme za realizaciju projekta „Elektronski dnevnik“ u javnim srednjim školama i za potrebe Ministarstva za obrazovanje, nauku i mlade Kantona Sarajevo u skladu sa ponudom broj:29950/19 od 13.12.2019. godine za sljedeću stavku:

- Desktop računar sa monitorom – 900 kom.

III - OBIM ISPORUKA:

Obim isporuka iskazan u tački 2. ovog Ugovora, obuhvata:

- isporuku računara i računarske opreme u prostorijama koje odredi Naručilac;
- održavanje u garantnom roku.

IV- CIJENA:

Ukupna cijena za isporuku računara i računarske opreme po ovom Ugovoru iznosi:

1. **Cijena bez PDV-a: 774.099,00 KM**
2. **PDV: 131.596,83 KM**
3. **Cijena sa PDV-om: 905.695,83 KM.**
Slovima: (devestotinapethiljadašeststotinadevedesetpet i 83/100 KM)

Cijena po ovom Ugovoru podrazumijeva paritet fco Sarajevo, isporučeno na sjedište koje odredi Naručilac, ocarinjeno, sa porezom na dodanu vrijednost.

8

Iznos od 900.000,00 KM isplatiti će se sa ekonomskog koda 821300 LAX075 – Nabavka opreme za realizaciju projekta “Elektronski dnevnik”, a iznos od 5.695,83 KM sa ekonomskog koda 821300 LAX004 – Ostala oprema.

V - NAČIN PLAĆANJA:

Naručilac će plaćanje ugovornih obaveza Dobavljaču izvršiti u roku od 30 dana od dana potpisivanja Ugovora i dostavljanja fakture za isporučene robe, a na transakcijski račun Dobavljača broj: 306 034 0000514 829 otvoren kod Addiko bank.

Dobavljač je saglasan da Naručiocu neće zaručivati zatezne kamate za zakašnjenje pri plaćanju preko “Trezora”, ako je Naručilac u ugovorenom roku predao nalog za plaćanje, a Dobavljač primio uplatu sa odgodom od jednog ili više dana od ugovorenog roka iz stava 1. ovog člana.

VI - ROKOVI:

Rok za isporuku opreme iz tačke 2. ovog Ugovora je odmah po potpisivanju Ugovora, a najdalje u roku od 75 dana.

VII - PRIMOPREDAJA

Primopredaja opreme vrši se potpisom otpremnice, a ista se potpisuje nakon kvalitativnog i kvantitativnog prijema opreme, koju će izvršiti nadzorni organ kojeg odredi Ministarstvo za obrazovanje, nauku i mlade Kantona Sarajevo.

Ukoliko se pregledom utvrdi da kvalitet i kvantitet ponuđene računarske opreme ne odgovara traženom, Naručilac zadržava pravo da traži otklanjanje nedostataka odnosno ako se nedostaci ne otklone u roku od 48 h da raskine ugovor na štetu Dobavljača.

VIII - GARANCIJE:

Za ugovorenu opreme iz tačke 2. ovog Ugovora Dobavljač daje garanciju na kvalitet i funkcionalnost u trajanju od:

a) 36 mjeseci od dana isporuke.

Garancija za kompletnu opremu obuhvata sve kvarove nastale usljed grešaka u projektiranju, proizvodnji i materijalu.

Dobavljač će u toku garantnog perioda održavati opremu u funkcionalnom stanju i u okviru toga izvršavat će redovno održavanje i otklanjanje kvarova, odnosno popraviti ili zamijeniti, po svojoj ocjeni komponentu ili neispravni dio opreme.

Sve neispravne komponente ili dijelovi računarske opreme ostaju vlasništvo Dobavljača.

Garancija se ne priznaje u slučaju kada je do kvara na opremi došlo usljed:

1. nepravilne, nestručne upotrebe opreme,
2. neadekvatnih uslova za rad opreme,
3. više sile i
4. drugih nepredviđenih događaja.

Dobavljač će Naručiocu u roku od 10 dana od dana zaključenja Ugovora (obostranog potpisivanja), dostaviti Bezuslovnu bankovnu garanciju za uredno izvršenje Ugovora u iznosu od 10% od vrijednosti Ugovora. Sa klauzulom plativo na prvi pisani poziv korisnika garancije i bez prava prigovora, sa rokom važnosti ugovora +90 (devedeset) dana.

Naručilac gubi pravo na garanciju ako u toku garantnog perioda, bez pristanka Dobavljača, sam ili putem trećih lica vrši popravke na predmetu Ugovora.

IX - OBAVEZE NARUČIOCA/DOBAVLJAČA:

Naručilac i Dobavljač se obavezuju da u roku od 24h od potpisa Ugovora pismeno obavijeste Naručioca i Dobavljača koje će lice biti zvanični predstavnik Dobavljača, odnosno Naručioca po ovom Ugovoru.

Dobavljač se obavezuje da će po isteku garantnog roka obezbjediti Naručiocu nabavku rezervnih dijelova za računare i računarsku opremu u periodu od najmanje 36 mjeseci, kao i da će omogućiti Naručiocu ukoliko on to bude tražio sklapanje Ugovora o održavanju računarske opreme.

X - AUTORSKA PRAVA:

Dobavljač zadržava sva autorska prava proistekla iz njegovog industrijskog vlasništva nad cjelokupnim predmetom ovog Ugovora.

XI - SPOROVI

Sve eventualne sporove koji proisteknu iz ovog Ugovora ugovorne strane rješavat će sporazumno. Ukoliko ne bude moguće sporazumno rješavanje nastalih sporova isti će biti riješeni putem nadležnog suda u Sarajevu.

XII - ZAVRŠNE ODREDBE

Sve eventualne dopune i izmjene ovog Ugovora moguće je obaviti pismeno potpisivanjem Anex-a osnovnog Ugovora, uz saglasnost ugovornih strana.

Ovaj ugovor je sastavljen u 6 (šest) istovjetnih primjeraka od kojih svaka ugovorna strana dobija po 3 (tri) primjerka.

Dobavljač
R&S d.o.o

Direktor

Kemal Selmanagić



Naručilac

Kanton Sarajevo

Ministarstvo za obrazovanje, nauku i mlade

Ministrica

Mr. Zmeta Bogunić



Broj: 15/19

Sarajevo, 14.1.2020. godine

Broj: 11/07-14-17579-10/19

Sarajevo, 14.1.2020. godine